

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. लेफ्टिनेंट गवर्नर मनोज सिन्हा होरें आखेआ ऐ जे राष्ट्र दे मूल दी हिफाजत आस्तै मजबूत सरहदी इलाके अत्त लाजमी न ते एह इलाके, हिफाजत दी पैहली पंक्ति दे रूपै च कम्म करदे न।
2. मुख्यमंत्री ओमर अब्दुल्ला होरें इरान च बने दे हालात दे मददेनजर जम्मू-कश्मीर दे विद्यार्थिएं दी सुरक्षा दा जकीन दोआंदे होई आखेआ ऐ जे बदेश मंत्रालय नै इरान च मुकामी अधिकारिएं कन्नै नेड़मा संपर्क बनाए दा ऐ।
3. उपमुख्यमंत्री सुरिंदर चौधरी होरें नौशैहरा च आम लोकें दिएं समस्याएं दे नबेड़े आह्ला इक कैप लाया ते आखेआ जे प्रदेश दी सरकार असरदार शासन लेई समर्पित ऐ।
4. मुख्य सचिव अटल डुल्लु होरें आखेआ ऐ जे सरकारी मेडिकल कॉलेजें दिएं सेवाएं दा लगातार दर्जा बधाना सरकार दी मुख्य प्राथमिकता ऐ।
5. जम्मू संभाग च जंदी संज्ञां चले दे अंधी-झक्खड़ ते भारी बरखें करी लोकें गी पिच्छले केई दिनें थमां पवा करदी जबरदस्त गर्मी ते लूह ज्नेय हालात थमां राहत थोई ऐ।

<><><><><><>

LG-Samba

उपराज्यपाल मनोज सिन्हा होरें आखेआ ऐ जे राष्ट्र दे मूल दी हिफाजत आस्तै मजबूत सरहदी खेत्तर लाजमी न ते हिफाजत दी पैहली पंक्ति दे रूपै च कम्म करदे न। सांबा जिले दे गुढ़ा सलाथिया च इक कार्यक्रम गी संबोधत करदे होई उपराज्यपाल होरें पिछले 5एं ब'रे च इस खेत्तर च होई दी काबले जिकर बुनियादी ढांचे ते औद्योगिक तरक्की पर लोह पाई। उनें राष्ट्री शिक्षा नीति 2020 दे बदलाव आले प्रभावें दी बी सराहना कीती। सिन्हा होरें आखेआ जे ग्राई खेत्तरें च उच्च मयार आली शिक्षा तगर इक बरोबर पुज्ज दी सुविधा दिक्ती जा'रदी ऐ। उनें आखेआ जे ज्हारां बद्धे बच्चे जेहड़े पैहले स्कूलें शा बाहर हे, हुन कामयाबी कन्नै शिक्षा राह पर परतियै चली पेदे न। उपराज्यपाल होरें अगगे आखेआ.....

इस मौके पर मनोज सिन्हा होरें इक समागार दा नीह पत्थर बी रखेआ।

<><><><><><>

LG Kabir Das

लेफ्टिनेंट गवर्नर मनोज सिन्हा होरें आखेआ ऐ जे प्रधानमंत्री नरेन्द्र मोदी हुं'दे मार्गदर्शन हेठ जम्मू-कश्मीर दा प्रशासन सभ्मने बसनीके लेई इक मान-सम्मान आह्ला जीन ते इक बरोबर दे मौके जकीनी बना करदा ऐ। एलजी होरें एह गल्ल कल बिश्नाह च संत कबीर दास हुं'दे सम्मान च आयोजित इक कार्यक्रमै दरान भाषण दिंदे होई आखी। संत कबीर दास होरें'गी श्रद्धांजलि अर्पित करदे होई श्री सिन्हा होरें प्राचीन मुल्लें-कदरें ते सांस्कृतिक ज्ञान गी बरकरार रखने दी जरूरतै पर जोर पाया। उ'नें आखेआ जे जम्मू-कश्मीर दे हर इक बसनीक गी ऐकड़े मुल्लें-कदरें ते ज्ञान दे बारै च जानकार बनाया जाना लोड़चदा ऐ। एलजी सिन्हा होरें आखेआ

<><><><><><>

CM-JK Students

ईरान च चलै करदी तनोतनी आली स्थिति गी दिक्खदे होई मुखमन्त्री उमर अब्दुल्ला होरें भरोसा दोआया ऐ जे जम्मू कश्मीर दे विद्यार्थिएं दा कल्याण ते सुरक्षा सर्वोच्च प्राथमिकता बनी दी ऐ। इक सोशल मीडिया पोस्ट च मुखमन्त्री होरें आखेआ जे उनें विदेश मंत्री डॉ. एस.जयशंकर हुंदे कन्नै गल्ल कीती ऐ, जिनें भरोसा दोआया ऐ जे पिदेश मंत्रालय ईरान च सारे भारतीय विद्यार्थिएं दी हिफाजत आस्तै ईरानी अधिकारिएं दे कन्नै नेड़मे संपर्क च ऐ। तेहरान, शिराज ते कोम जनेह शैहरें च विद्यार्थिएं दी बरीकी कन्नै निगरानी कीती जा'रदी ऐ। मुखमन्त्री होरें अगगे आखेआ जे विद्यार्थिएं गकी ईरान शा सुरक्षत बाहर कड्डने पर कोई बी फैसला जमीनी हकीकत पर अधारत होग। मुखमन्त्री होरें आखेआ जे विद्यार्थिएं दी सुरक्षा सब्बने शा बड़ी चिंता ऐ।

<><><><><><>

Dy CM Nowshera

भलेआं हेठली सतह उपपर शासन बवस्था गी निगगर बनाने ते आम लोकें तोहड़ी सिद्दी पुज्ज जकीनी बनाने दे मकसद कन्नै उपमुखमन्त्री सुरिंदर चौधरी होरें नौशैहरा च फाटा पंचैत च आम लोकें दिएं समस्याएं दे नबेड़े आह्ला इक कैप लाया।

इस दरान मुकामी लोकें, सिङ्कें सरबन्धी ढांचे, पानी दी कमी, बिजली दी सप्लाई ते सरकारी दफ्तरें च अमले दी कमी आहले मुद्दे उं'दे अगगे रखे जिनें'गी धरोइयै सुनने परैन्त उपमुख्यमंत्री होरें उ'नेंगी जकीन दोआया जे उं'दिएं जायज मंगें गी पैहल दी बिनाह उप्पर हल करोआया जाह्ग। चौधरी होरें जिम्मेदार प्रशासन ते जोआबदेही दे महत्वै पर जोर पांदे होई लोकें दे मसलें गी हल करोआने दी सरकार दी वचनबद्धता गी पही पक्का कीता।

<><><><><><>

Prog. Ann(Yoga Day)

आकाशवाणी जम्मू दा क्षेत्रीय समाचार, एकांश अंतर्राष्ट्रीय योग दिवस पर 20 मिंटे दा इक खास कार्यक्रम पेश करा करदा ऐ। जेहदा प्रसारण 18 जून गी बडलै 7 बज्जियै 10 मिंट पर कीता जाग। कार्यक्रम च साढ़ियां परौहनियां होंगन मन्नी परमन्नी दियां योग आचार्य डॉ. सुजाता संथु। सुजाता होर साढ़े जीवन च योग दे महत्व बारे अपने बचार सांझे करगंन। चर्चा दी मेजबानी साढ़े न्यूज एंकर श्रुति खजूरिया ते कुणाल श्रीवत्स करगंन। एह कार्यक्रम तुस मीडियम वेव 303 मीटर यानि 990 किलोहर्टज ते एफएम 100.3 मेगाहर्टस पर सुनी सकदे ओ।

<><><><><><>

CS Medical

जम्मू-कश्मीर च डाक्टरी शिक्षा ते सेहत दिक्खभाल सेवाएं गी तगड़ा बनाने दी कोशश तैहत मुख्य सचिव अटल डुल्लु होरें सरकारी मेडिकल कॉलेजें कन्नै जुड़े दे अस्पतालें च ढांचागत स्हूलतें ते सेवाएं दी व्यापक समीक्षा कीती। इस मौके पर उ'नें ऐकड़े अस्पतालें च अमले दी स्थिति, माहिराना कोर्स शुरु करने ते एमबीबीएस दिएं सीटें च प्रस्तावित बाददे वगैरा दे बारै च गल्लबात कीती। उ'नें मेडिकल कॉलेजें गी एह निर्देश दित्ता जे ओह शोरे कश्मीर इंस्टीच्यूट ऑफ मेडिकल साइंसेज ते जम्मू ते श्रीनगर आहले जीएमसी अस्पतालें कन्नै तालमेल बनाइयै अमले दी सिखलाई, उपकरणें दी खुश-खरीद ते एमरजेन्सी सेवाएं च सुधार जकीनी बनान।

<><><><><><>

Dharti Abha

जनजातीयें दे कल्याण गी बढ़ावा देने दी दिशा च गैह् पुट्टदे होई केई जिला प्रशासनं, जम्मू खित्ते च धरती आभा जनजातीय ग्रामीण उत्कर्ष अभियान दे तैह् बड्डे तसैर पर लोकें गी जागरूक बनाने सरबंघी पैहलकदमियां रम्भियां न। इ'दा मकसद, जागरूकता, समावेशिता ते सरकार दिएं कल्याणकारी योजनाएं तोहड़ी सुधरी दी पुज्ज दे राहें जनजातीय समुदायें गी सशक्त बनाना ऐ। इस अभियान गी दूर-दरेडे जनजातीय इलाकें तोहड़ी बी पुजाया जाह्ग तांजे इ'नें लोकें दा समाजी-आर्थिक विकास जकीनी बनाया जाई सकै। इस सरबंघे च होर मती जानकारी सांझी करदे होई रजौरी दे डिप्टी कमिशनर अभिषेक शर्मा होरें आखेआ

<><><><><><>

Tourists

लेफ्टिनेंट गवर्नर मनोज सिन्हा हु'दे आसेआ जम्मू-कश्मीर च सैलानी थाहरें गी परतियै खोलने दे ऐलान दे मगरा मुकामी लोकें, विधायकें ते सैलानिएं इस फैसले दा सोआगत करदे होई एह्दे पर खुशी जताई ऐ। ध्यानजोग ऐ जे 22 अप्रैल गी पहलगाम च होए दे आतंकी हमले दे परैन्त ऐकड़ी सैलानी थाहरें गी सैलानिएं लेई बंद करी दित्ता गेआ हा। मुकामी लोकें ते सैलानिएं इस फैसले दा सोआगत करदे होई खित्ते दी अर्थबवस्था ते लोकें दी रोजी-रूट्टी लेई सैलसफा दे महत्वै पर लोऽ पाई ऐ। इस सरबंघे च मीडिया कन्नै गल्ल करदे होई इक सैलानी नै आखेआ

<><><><><><>

Weather

ते हून खबर मौसम दी। जम्मू संभाग च जंदी सं'झां चले दे अंधी-झक्खड़ ते भारी बरखें करी लोकें गी पिच्छले केई दिनें थमां चलै करदी जबरदस्त गर्मी ते लू ज्नेय हालात थमां राहत थ्होई ऐ। मौसम च आए दे इस बदलाव पर लोकें खुशी जाह्ग कीती ऐ। मौसम विभाग नै अज्ज बी दपैहरी'लै ते केई थाहरें पर दपैहर दे बाद गरज-चमक कन्नै बरखा बरने दी मेद दस्सी दी ऐ। औंदी 21 थमां 23 जून तोहड़ी बी मौसम बदलोखड़ा रौहने ते केई सारी थाहरें पर गरज-चमक कन्नै बरखा बरने दी पेशगोई कीती गेदी ऐ।

<><><><><><>